

# اسلام دنیایی

|     |     |    |            |    |         |   |
|-----|-----|----|------------|----|---------|---|
| عدد | ۳۳۲ | ۲۰ | جاذی الاول | ۲۰ | پیشانیہ | ۲ |
| ۳   | ۳۳۰ | ۳  | نيسان      | ۳  |         |   |

مطلوماتی جوق بر وطنسزدن دها خیرلیدر  
خیر الناس من یفیع الناس . والسلام علی من اتبع  
الهدی .

۲۲ مارت ۲۳۰۰ میگون :

محمد شوکت

بر موعظه دیندارانه

مصرده جامع ازهر علمای ممتازه سندن  
شیخ عبدالحمید البانك و یردیکی قونفرانسردن  
اولوب مصر غزته لرنده کوریلان آتیده کی  
بیاناتی نفعاً للعموم اقتباس و درج ایلدک :

دین مبین اسلام خلقک منافع و مصالحی  
ایله متناسب و حکمت قواعدی اوزرینه بنا  
اولغش بر دین فضیلت و ارشاددر . هیچ بر  
زمان و مکان ایله مقید دکلدر .

اسلافقر شافی معنوی اولان بودین خیفه  
تمسک ایده ایده ، نفوذ وسطونلری آرتدجه  
آرتدی . شرف و حیثیتلری تعالی ایله دیکجه  
ایله دی . تاریخ انلرک مناقبی بک شافی بر صورتده  
قید و نسجیل ایلدی .

بزم تأخر واضمحلالر ایسه ایسته قواعد  
دینه دن خروج و انحراف ایلمک کمزدن ایلری  
کلیور . آبا واجدادمرك احکام دینه دن سرمو  
انحراف ایتمک لری و سنت سنیه دن ذرتما  
آیرلسدق لری ایچون دین مینک ایجاباتندن  
اوله رق جمه لسی اولیه متحد و متفق ایدیلرکه  
یکدیگرلرینی عادتاً اوز قاردهش کی سورلر ،  
یکدیگرینک منافعی کندی منفعتلرینه ترجیح

ایدرلردی . باقکمز سزه بر مثال سوبلیهیم :  
اسلام غزوه لرندن برنده ساحه و غاده  
بر جوق مجروح دوشر . بولره صو ویرلسک  
اوزره کلن ساقی به اکه باشده کی مجروح ،  
اولدجه صوبه احتیاجی اولدینی حالد ،  
یاننده کی آرقداشک احتیاجی بلکه کندیکنکندن  
زیاده در دیه صویک اوکا ویرلسنی سوبلدر .  
آرقداشیده عینی حس ایله یاننده کی دیگر  
آرقداشنی کندینه ترجیح ایدر . بو صورته  
مجر و حله جان چکیشرلرکن بیه آرقداشلرینی  
اونو تمایه رق و آنلری کندی نفسلرینه ترجیح  
ایلدک احکام مقدسه دینه به قارشى اولان فرط  
حرمت و رعایتلرینی کله نک بتون معنای  
شمولیه اظهار و اثبات ایشلردی . ایسته  
دین مینک امر ایتمدیکی اتحادک نه یولده اولسی  
لازم کله چکنی کوسترن اسلاف محترمه دن صکره  
اولیه نسللر کلدی که بر طاقم عنفات صاویله رق  
و جانب دینه بی اونوتدیلر ، احکام شرعیه بی  
اهمال ایلدیلر . بوسیدن طولای در که خصم  
واقربا آرمسنده بیه تفرقه تخملری کیزدی .  
بریدر اوغلانی ، بر قرداش قرداشنی چکه مه مکه  
باشلادی . دها فضله اوله رق طاعات و عبادات  
یرینه هوسات و ملاهی قائم اولدی ، سفاهت  
قبولری آچیلدجه آچیلدی .

ایسته بوسیله اسلامیت علیه انتقاد  
و اعتراض جریانلری باشلادی . دین دشمنلری  
فرستدن بالاستفاده ائلرندن کلنی یایتمدن خالی  
قالما یورلر . بوکا مثال اوله رق ایسته سزه بر  
حقیقت سوبله یورم که بی جوق متالم ایدیور .

بوکون مکتبلرینک ، خسته خانه لرینک  
 قپورنی خلقمزه کشاده بولندیران میسیونرلر،  
 کویا خلق تهذیب ایتمکده اولدقلرینی ادعا  
 ایدیورلر ، حقیقت حالده ایسه عالی دائرة  
 ضلاله دعوت ایتمکدن بشقه برشی یاپیورلر .  
 بونلر ، بیتک توکنمک بیلیمین باره لر جاب  
 ایدرک صانکه شئونمزی اصلاحه کلیورلر . فقط  
 اللهده شاهددرکه بواذعالری مؤلدر . سیروخر-  
 کتارینی ندقیق و تعقیب ایدنلر، واضحاً آکلارلرکه  
 بونلر ملکترمزه بی طرفانه برخط حرکت تعقیبی  
 ایچون کلیورلر . اکر سویلدکلرم یالان ایسه  
 مؤسسات مخصوصه سنک ملیونارجه مبالغ  
 اعطاسی صورتیه میسیونرلر نه ایچون دست  
 معاوتی اوزاتمقده اولدقلرینی بکا سویلسونلر .  
 میسیونرلرک مقصدلری اکر حسن نیته  
 مقرون ایسه، ایچون ساده دلائلمزی وچو جقلر-  
 یمزی کندی دینلرینه دعوت ایدوب طور -  
 ییورلر فقط امین اولسونلرکه تجارتلری بوراده  
 رواج بولیه جقدر . برکون آرقداشلرمدن بریله  
 چارشودن کچرکن بر دکان صاحبی آرقداشمه  
 یاقلاشهرق و - اسمنی سویله مک ایسته مدیکم -  
 بر همشهریمزک نامنی ذکر ایدرک بونک میسیونر  
 مکتبنده بولونان بر قیزینک میسیونرلر طرفندن  
 واقع اولان تلقینات و اغوا آتیه قاپیلوب آنلرک  
 دینلرینه دخول ایتدیکنی و شمعی بوقیزک دیگر  
 قیزلری کندی اثرینه اقتضایه تشویق ایتمکده  
 بولندیغنی بیان و بوکا دیانت و حیت نامنه بر چاره  
 انخاذهنی رجا ایتدی . آرقداشم ، ایرتسی کون  
 نه یاپدی ایسه یاپهرق اوقیزلی بومکتبدن اخراج  
 ایله دین اصلینه ارجاع ایتدی . کذلک

طانیدیم ذواتدن بری کچلرده یدی پاشنده بر  
 قیزی بومکتبه کوندرمش ، بر قاج کون صوکره  
 خانه سنده نماز قیلارکن قیزینک قارشیسنده  
 طوروب صلیبی وجودی اوزرینه بر طاقم اشارتله  
 تمیل ایتکه چالیشدیغنی کورمش و صوک درجه  
 متأثر اولدیغنی حالده استجواب ایلدیکی قیزی ،  
 مکتبنده درس ائناسنده معلملرینک کندیلرینه  
 بو اشارتی ایتلرینی تنیه ایتدکلرینی افاده ایلسیه  
 صوک درجه منفعل اولهرق در حال قیزی  
 مکتبدن چقارتمشدر .

بو قیلدن میسیونرلر سوبشده و بوراده  
 مسلمان و موسویلدن بر قاج کشی بی تنصیر  
 ایتشلر سده آنخاذه ایدیلن تدابیر سایه سنده بونلر  
 دینلرینه ارجاع ایدلشلدور .

واقعا بوسفر میسیونرلرک مساعیسی عقیم  
 قالدی اما آتی بی دوشونمک فرض عیندر .  
 بو بابده کی محاذیری رفع وازاله ایتمک آنحق  
 احکام دینییه ، تماماً صاریلوب و مسلمانلر آره -  
 سنده کی اختلاف و تنافره احکام دینییه وجهله  
 در حال نهایت و یروب ال برلکله دهها واسع  
 مقیاسده و احتیاجات حاضره ایله صوک درجه  
 متناسب جمعیتلر و مؤسسات علمییه تأسیس ایدلسی  
 وجهل و ضلاله قارشلی محاربه آچیلمسایله قابلدور .  
 بویله یاپارسه ق لوم و عتابدن قورتولش ، وطنمزی  
 تحایض ایتش و تاریخچه ده شرف و حیثیتمزی  
 محافظه ایتدیرمش اولوروز . بشقه صورتله محاذیرک  
 دفع و رفعی ممکن و میسر اوله ماز . «اقدامدن»

بر تشبث مسعود

بیروت مخبر مخصوصمزدن :  
 معلوم اولدوغنی اوزره بیروت شهر شهری